



Broj: 05/1-50-15-26-1-3/21

Sarajevo, 9. 3. 2021.

ZAPISNIK

konstituirajuće sjednice Nezavisnog odbora Parlamentarne skupštine BiH

Sjednica je održana 9. 3. 2021, s početkom u 17 sati.

Sjednicu je sazvaio Enes Obraliija, predsjednik Nezavisnog odbora.

PRISUTNI ČLANOVI NEZAVISNOG ODBORA: Enes Obraliija, predsjednik Nezavisnog odbora, Miše Ćavar, prvi zamjenik predsjednika Nezavisnog odbora, Uroš Pena, drugi zamjenik predsjednika Nezavisnog odbora, Muhamed Mujakić, Enes Bezdob, Nikola Džambas, Mate Miletić, Darko Kremenović i Milan Stanić, članovi Nezavisnog odbora.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednicu je pratio i Enver Bogučanin iz Sektora za odnose s javnošću Sekretarijata Parlamentarne skupštine BiH.

Sjednicom je predsjedavao predsjednik Nezavisnog odbora Enes Obraliija.

Konstatirajući da postoji kvorum, otvorio je konstituirajuću sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći

DNEVNI RED

1. Konstituiranje Nezavisnog odbora Parlamentarne skupštine BiH;
2. Upoznavanje s radom Nezavisnog odbora Parlamentarne skupštine BiH iz prethodnog mandata i dogovor o daljnjem radu;
3. Tekuća pitanja.

Ad. 1. Konstituiranje Nezavisnog odbora Parlamentarne skupštine BiH

Predsjednik Nezavisnog odbora Enes Obralića istakao je da su Odlukom oba doma Parlamentarne skupštine BiH o imenovanju Nezavisnog odbora kao nezavisnog tijela policijske strukture Bosne i Hercegovine ("Službeni glasnik BiH", broj 10/21 od 16. 2. 2021) imenovani predsjednik Nezavisnog odbora, prvi i drugi zamjenik predsjednika Nezavisnog odbora te članovi Nezavisnog odbora. Svim članovima čestitao je na imenovanju, poželio uspješan rad te konstatirao da je Nezavisni odbor konstituiran.

Ad. 2. Upoznavanje s radom Nezavisnog odbora Parlamentarne skupštine BiH iz prethodnog mandata i dogovor o daljnjem radu

U uvodu u ovu tačku dnevnog reda predsjednik Nezavisnog odbora Enes Obralića, koji je u prethodnom mandatu obavljao dužnost prvog zamjenika predsjednika Nezavisnog odbora, ukratko je upoznao članove Nezavisnog odbora o dosadašnjim aktivnostima i načinu rada Nezavisnog odbora nakon čega je dao riječ i ostalim članovima Nezavisnog odbora za eventualna pitanja i upoznavanje.

Dogovorena je okvirna metodologija rada Nezavisnog odbora kada je u pitanju održavanje sjednica Nezavisnog odbora kao i djelovanje Nezavisnog odbora iz svoje nadležnosti.

Ad. 3. Tekuća pitanja

U okviru ove tačke dnevnog reda predsjednik Nezavisnog odbora Enes Obralića napomenuo je članove Nezavisnog odbora na obavezu dostavljanja finansijskog izvještaja Komisiji za odlučivanje o sukobu interesa u roku od 30 dana od preuzimanja dužnosti.

Također, napomenuo je članove Nezavisnog odbora da su, u skladu s Odlukom o listi dužnosti koje obavljaju imenovana lica za koja je potrebno provesti sigurnosnu provjeru, stepen vrlo tajno, obavezni popuniti obrasce koji su im dostavljeni te ih predati sigurnosnom službeniku Parlamentarne skupštine BiH.

Predsjednik Nezavisnog odbora Enes Obralića zaključio je sjednicu u 17.50 sati.

SEKRETARKA
NEZAVISNOG ODBORA

Ivana Lovrić

PREDSJEDNIK
NEZAVISNOG ODBORA

Enes Obralića